



唐翰林李白詩類編卷之七

五言古詩

閒適

與元丹丘方城寺談玄作

茫茫大夢中唯我獨先覺  
騰轉風火來假合作容貌滅  
除昏疑盡領畧八精要澄慮觀此身  
因得通寐照朗悟前後際始知金仙妙  
幸逢禪居人酌玉坐相名彼我俱  
若喪雲山豈殊調清風生虛空明月見談笑怡然青蓮  
宮永頽恣遊眺

尋高鳳石門山中元丹丘

尋幽無前期乘興不覺遠蒼崖渺難涉白日忽欲晚未  
窮三四山已歷千萬轉寂寂聞猿愁行行見雲收高松  
來好月空谷宜清秋溪深古雪在石斷寒泉流峯巒秀  
中天登眺不可盡丹丘遙相呼顧我忽而哂遂造幽谷  
間始知靜者閒留懽達永夜清曉方言還

安州般若寺水閣納涼喜遇薛員外乂

翛然金園賞遠近含晴光樓臺成海氣草木皆天香忽  
逢青雲士共解丹霞裳水退池上熱風生松下涼吞討

破萬象褰

丘

窺臨衆芳而我遺有漏與君用無方心

垢都已滅永言頌禪房

對酒醉題屈突明府廳

陶令八十日長歌歸去來故人建昌宰借問幾時迴風  
落吳江雪紛紛入酒杯山翁今已醉舞袖為君開

月下獨酌四首

花間一壺酒獨酌無相親舉杯邀明月對影成三人月  
既不解飲影徒隨我身暫伴月將影行樂須及春我歌  
月徘徊我舞影凌亂醒時同交歡醉後各分散永結無

情遊相期邈雲漢

天若不愛酒酒星不在天地若不愛酒地應無酒泉天  
地既愛酒愛酒不愧天已聞清比聖復道濁如賢賢聖  
既已飲何必求神仙三盃通大道一斗合自然但得醉  
中趣勿為醒者傳

三月咸陽城千花畫如錦

一作好鳥吟清風落花散如錦又作園鳥語成歌蓮花笑

錦誰能春獨愁對此徑須飲窮通與修短造化夙所稟  
一樽齊死生萬事固當審醉後失天地兀然就孤枕不  
知有吾身此樂最為甚

窮愁千萬端美酒三百杯愁多酒雖少酒傾愁不來  
以知酒聖酒酣心自開辭粟卧首陽屢空飢顏回當代  
不樂飲虛名安用哉蟹螯即金液糟丘是蓬萊且須飲  
美酒乘月醉高臺

春歸終南山松龍舊隱

我來南山陽事事不異昔却尋溪中水還望崑下石  
薔薇緣東窓女蘿繞北壁別來能幾日草木長數尺且復  
命酒樽獨酌陶永夕

冬夜醉宿龍門覺起言志

醉來脫寶劍旅憇高堂眠中夜忽驚覺起立明鏡前開  
軒聊直望曉雪河水壯哀哀歌苦寒鬱鬱獨惆悵傳說  
版築臣李斯鷹犬人歛起匡社稷寧復長艱辛而我胡  
為者歎息龍門下富貴未可期殷憂向誰寫去去泪滿  
襟舉聲梁甫吟青雲當自致何必求知音

尋山僧不遇作

石徑入丹壑松門閉青苔間皆有鳥跡禪室無人開窺  
窓見白拂挂壁生塵埃使我空歎息欲去仍徘徊香雲  
徧山起花雨後天來已有空樂好况聞清猿哀了然絕

世事此地方悠哉

過汪氏別業二首

遊山誰可遊子明與浮丘壘嶺礙河漢連峰橫斗牛汪  
生面北阜池館清且幽我來感意氣推魚列珍羞掃石  
待歸月開池漲寒流酒酣益爽氣為樂不知秋

疇昔未識君知君好賢才隨山起館宇鑿石營池臺大  
火五月中景風從南來數枝石榴發一丈荷花開恨不  
當此時相過醉金罍我行值木落月苦清猿哀永夜達  
五更吳歛送瓊杯酒酣欲起舞四座歌相催日出遠海

明軒車且徘徊更遊龍潭去枕石拂莓苔

待酒不至

玉壺繫青絲沽酒來何遲山花向我笑正好銜盃時晚  
酌東窓下流鶯復在茲春風與醉客今日乃相宜

獨酌

春草如有意羅生玉堂陰東風吹愁來白髮坐相侵獨  
酌勸孤影閑歌面芳林長松爾何知蕭瑟為誰吟手舞

石上月膝橫花間琴過此一壺外悠悠非我心一本云

綠野新鶯有佳音落日不盡歡恐為愁所侵獨酌勸孤影  
閑歌面芳林清風尋空來碧松與共吟餘同上

友人會宿

滌蕩千古愁留連百壺飲良宵且清談皓月未能寢醉  
來卧空山天地即衾枕

春日獨酌二首

東風扇淋氣水木榮春暉白日暝綠草落花散且飛孤  
雲還空山衆鳥各已歸彼物皆有託吾生獨無依對此  
石上月長醉歌芳菲

我有紫霞想緬懷滄洲間思對一壺酒淡然萬事閒橫  
琴倚高松把酒望遠山長空去鳥沒落日孤雲還但悲

光景晚宿昔成秋顏

金陵江上遇蓬池隱者

時於落星石上以紫紵裘喚酒為懽

心愛名山遊身隨名山遠羅浮麻姑臺此去或未返遇  
君蓬池隱就我石上飯空言不成懽強笑惜日晚綠水  
向鴈關黃雲蔽龍山歎息兩客鳥徘徊吳越間共語一  
執手留連夜將久解我紫綺裘且換金陵酒酒來笑復  
歌興酣樂事多水影弄月色清光奈愁何明晨挂帆席  
離恨滿滄波

月夜聽盧子順彈琴

閒夜坐明月幽人彈素琴忽聞悲風調宛若寒松吟白  
雪亂纖手綠水清虛心鍾期久已歿世上無知音

日夕山中忽然有懷

久卧名山雲遂為名山客山深雲更好賞美終日夕月  
銜樓閣峯泉漱階下石素心自此得真趣非外惜鼃音  
鼠啼桂方秋風滅籟歸寐緬思洪崖術欲往滄海隔雲  
車來何遲撫已空歎息

廬山東林寺夜懷

我尋青蓮宅獨往謝城關霜清東林鍾水白虎溪月天

香生虛空天樂鳴不歇宴坐寂不動大千八毫髮湛然  
冥真心曠劫斷出沒

春日醉起言志

處世若人夢胡為勞其生所以終日醉頹然卧前楹覺  
來眄庭前一鳥花間鳴借問此何時春風語流鶯感之  
欲歎息對酒還自傾浩歌待明月曲盡已忘情

對酒

勸君莫拒盃春風笑人來桃李如舊識傾花向我開流  
鶯啼碧樹明月窺金罍昨來朱顏手今日白髮催棘生

石虎殿鹿走姑蘇臺自古帝王宅城闕閉黃埃君若不  
飲酒昔日安在哉

嘲王歷陽不肯飲酒

地白風色寒雪片大如手笑殺陶淵明不飲杯中酒浪  
撫一張琴虛栽五株柳空負頭上巾吾與爾何有

懷思

憶崔郎中宗之遊南陽遺吾孔子琴撫之潸然

感舊

昔在南陽城唯食獨山蕨憶與崔宗之白水弄素月時



過菊潭上縱酒無休歇泛此黃金花頽然清歌發一朝  
摧玉樹生死殊飄忽留我孔子琴琴存人已歿誰傳廣  
陵散但哭邙山骨泉戶何時明長掃狐兔窟

望月有懷

清泉映疎松不知幾千古寒月搖輕波流光入窓戶對  
此空長吟思君意何深無因見安道與盡愁人心

春滯沅湘有懷山中

沅湘春色還風暖烟草綠古之傷心人於此腸斷續予  
非懷沙客但美採菱曲所願歸東山寸心於此足

落日憶山中

雨後烟景絲晴天散餘霞東風隨春歸發我枝上花  
落時欲暮見此令人嗟願遊名山去學道飛丹砂

憶秋浦桃花舊遊時窺夜郎

桃花春水生白石今出沒搖蕩女蘿枝半挂青天月不  
知舊行徑初拳幾枝蕨三載夜郎還於茲煉金骨

對酒憶賀監二首并序

太子賓客賀公於長安紫極宮一見余呼余為謫  
仙人因解金龜換酒為樂沒後對酒悵然有懷而



原件短缺

作是詩

四明有狂客風流

一作霞衣

賀季真長安一相見呼我謫仙

人昔好盃中物今為松下塵金龜換酒處却憶泪沾巾  
狂客歸四明山陰道士迎敕賜鏡湖水為君臺沼榮人  
亡餘故宅空有荷花生念此杳如夢淒然傷我情

感遇

越中秋懷

越水繞碧山周迴數千里乃是天鏡中分明畫相似

一本

首四句云踰海思仲連遊山慕康樂攀雲窮千峯弄水涉萬壑下同

愛此從冥搜未懷

高樓入青天下有白玉堂明月看欲隨富窓懸清光還  
夜一美人羅衣沾秋霜含情弄柔瑟彈作陌上桑絃聲  
何激烈風卷繞飛梁行人皆躑躅棲鳥去回翔但寫妾  
意苦莫辭此曲傷願逢同心者飛作紫鸞鴛

長繩難繫日自古共悲辛黃金高北斗不惜買陽春石  
火無留光還如世中人即事已如夢後來我誰身提壺  
莫辭負取酒會四隣仙人殊恍惚未若醉中真

清都綠玉樹灼爍

式灼切

瑤臺春攀花弄秀色遠贈天仙

人香風送紫蕊香到扶桑津取掇世上艷所貴心之珍

相思傳一笑聊欲示情親

今日風日好明目恐不如春風笑於人何乃愁自居吹  
簫舞彩鳳酌醴鱸神魚千金買一醉取樂不求餘達士  
遺天地東門有二踈愚夫同瓦石有才知卷舒無事坐  
悲苦塊然涸轍魚

運速天地閉胡風結飛霜百草死冬月六龍頽西荒太  
白山東方彗星揚精光鴛鴦非越鳥何為眷南翔惟昔  
鷹將大今為侯與王得水成蛟龍爭池奪鳳凰北斗不  
酌酒南箕空簸揚

世路今太行迴車竟何託萬族皆凋枯遂無少可樂

野多白骨幽菟共銷鑠榮貴當及時春華宜照灼人非

崑山王安得長王畏切錯身沒期不朽榮名在麟閣

月色不可掃客愁不可道王露生秋衣流螢飛百草日

月終銷毀天地同枯槁蝮蛇啼青松安見此樹老金丹

寧誤俗昧者難精討爾非千歲翁多恨此去早飲酒入

玉壺葳身以為寶

生者為過客死者為歸人天地一逆旅同悲萬古塵月  
兔空搗藥扶桑已成薪白骨索無言青松豈知春前後

更歎息浮榮何足珍

仙人騎彩鳳昨下聞風岑海水三清淺桃源一見尋遺  
我綠玉盃兼之紫瓊琴杯以傾美酒琴以閑素心一物  
非世有何論珠與金琴彈松裏風盃勸天上月風月長  
相知世人何倏忽

涉江弄秋水愛此荷花鮮攀花弄其珠蕩漾不成圓佳  
期彩雲重欲贈隔遠天相思無由見悵望涼風前  
去去復去去辭君還憶君漢水既殊流楚山亦此分人  
生難稱意豈得長為群越嶽喜海日燕鴻思朔雲別久

容華晚琅玕不能飯日落知天昏夢長覺道遠望夫  
高山化石竟不返

感興八首

瑤姬天帝女精彩化朝雲宛轉入夢宵無心向楚君錦  
衾抱秋月綺席空蘭芩茫昧竟誰測虛傳宋玉文

洛浦有宓妃

宓音服宓  
妃水神也

飄飄雪爭飛輕雲拂素月了可

見清輝解珮欲西走含情詎相違香塵動羅機綠水不  
沾衣陳王徒作賦神女豈同歸好色傷大雅多為世所

譏

裂素持作書將寄萬里懷眷眷待遠信竟歲無人來征  
鴻務從陽又不為我棲委之在深篋蠹蠹壞其題何如  
投水中沉落他人開不惜他人開但恐生是非

芙蓉嬌綠波桃李誇白日偶蒙春風榮生此艷陽質豈  
無佳人色但恐花不實宛轉龍火飛零落互相失詎知  
凌寒松千載長守一

十五遊神仙仙遊未曾歇吹笙吟松風汎瑟窺海月西  
山玉童子使我鍊金骨欲逐黃鶴飛相呼向蓬閣

西國有美女結樓青雲端蛾眉艷曉月一笑傾城懽  
節奪明主炯心如凝丹常恐彩色晚不為人所觀安得  
配君子共成雙飛鸞

竭來荆山客誰為珉玉分良寶絕見棄虛持三獻君直  
木忌先伐芬蘭哀自焚盈滿天所損沉冥道所羣東海  
有碧水西山多白雲魯連及夷齊可以躡清芬  
嘉穀隱豐草草深苗且稀農夫既不異孤穗將安歸常  
恐委疇隴忽與秋蓬飛烏得薦宗廟為君生光輝

寓言三首

周公負斧袞

隱豈切

成王何夔夔武王昔不豫剪爪投河

酒賢聖遇讒慝不免人君疑天風拔大木禾黍咸傷萎  
管蔡扇蒼蠅公賦鴟鴞詩金縢若不啓忠信誰明  
之

搖裔雙彩鳳姹變三青禽往還瑤臺裏鳴舞玉山岑以  
歡秦娥意復得王母心區區精衛鳥銜木空哀吟  
長安春色歸先入青門道綠楊不自持從風欲傾倒海  
燕還秦宮雙飛入簾櫳相思不相見託夢遼城東

秋夕旅懷

涼風度秋海吹我鄉思飛連山去無際流水何時歸日

夕浮雲色心斷明月輝芳草歇柔艷白露催寒衣夢長  
銀漢落覺羅天星稀含悲想舊國泣下誰能揮

感遇四首

吾愛王子晉得道伊洛濱金骨既不毀玉顏長自春可  
憐浮丘公猗靡與情親舉手白日間分明謝時人二仙  
去已遠夢想空殷勤

可歎東籬菊莖疎葉且微雖言異蘭蕙亦自有芳菲未  
泛盈樽酒徒沾清露輝當榮君不採飄落欲何依  
昔余聞嫦娥竊藥駐雲髮不自嬌玉顏方希鍊金骨飛

去身莫返含笑坐明月紫宮諄蛾眉隨手會凋歇  
宋玉事楚王立身本高潔巫山賦彩雲郢路歌白雪舉  
國莫能和巴人皆卷舌一感登徒言恩情遂中絕

寫懷

翰林讀書言懷呈集賢內諸學士

晨趨紫禁中夕待金門詔觀書散遺帙掇古窮至妙片  
言苟會心掩卷忽而笑青蠅易相點白雪難同調本是  
踈散人屢貽褊促謂雲天屬清朗林壑憶遊眺或時清  
風來閒倚欄下嘯嚴光桐廬溪謝客臨海嶠渠廟切功成

謝人間從此一投釣

尋陽紫極宮感秋作

何處聞秋聲脩脩北窓竹迴薄萬古心攬之不盈掬靜  
坐觀衆妙浩然媚幽獨白雲南山來就我簷下宿嬾從  
唐生決羞訪季主卜四十九年非一往不可復野情轉  
蕭散世道有翻覆陶令歸去來田家酒應熟

江上秋懷

餐霞卧舊壑散髮謝遠遊山蟬號枯葉始復知天秋朔  
鴈別海裔越燕辭江樓颼颼風捲沙茫茫霧縈紫洲黃雲



結暮色白水揚寒流惻愴心自悲潺湲淚難收  
音行  
蘅音行蘭方蕭瑟長歎令人愁

秋夕書懷

北風吹海鴈南度落寒聲感此瀟湘客悽其流浪情  
海懷結滄洲一作遠心霞想遊赤城始探蓬壺事旋覺天  
地輕澹然吟高秋閑卧瞻太清蘿月掩空幕松霜結前  
楹滅見息群動獵微窮至精桃花有源水可以保吾生

避地司空原言懷

南風昔不競豪聖思經綸劉琨音昆與祖逖他歷切起舞鷄

鳴晨雖有匡濟心終為樂禍人我則異於是潛光皖  
切水濱卜築司空原北將天柱鄰雪霽萬里月雲開九  
江春侯乎泰階平然後託微身傾家事金鼎年貌可長  
新所願得此道終然保清真美景奔日馭攀星戲河津  
一隨王喬去長年玉天賓

南奔書懷

遙夜何漫漫空歌白石爛甯戚未匡齊陳平終佐漢櫬  
搶上初衛切下初耕切彗星也掃河洛直割鴻溝半歷數方未遷雲  
雷屢多難天人秉旄鉞席竹光藩翰侍筆黃金臺傳觴

青玉按不因秋風起自有思歸歎主將動讒疑王師總  
離叛自來白沙上鼓噪丹陽岼賓御如浮雲從風各消  
散舟中指可掬城上骸爭爨草草出近關行行味前笑  
南奔劇星火北寇無涯畔顧之七寶鞭留連道邊翫太  
白夜食昂長虹日中貫秦趙興天兵茫茫九州亂感遇  
明主恩頗高祖述言過江擔流水志在清中原拔劍擊  
前柱悲歌難重論

荊州賊平臨洞庭言懷作

脩蛇橫洞庭吞象臨海島積骨成巴陵遺言聞楚老水  
窮三苗國地窄三湘道歲晏天崢嶸時危人枯槁思歸  
阻乘亂去國傷懷抱郢路方丘墟章華亦顛倒風悲猿  
嘯岩木落鷺飛早日隱西赤沙月明東城草關河望已  
絕氛霧行當掃長叫天可聞吾將問蒼昊

覽鏡書懷

得道無古今失道還衰老自笑鏡中人白髮如霜草捫  
心空嘆息問影何枯槁桃李竟不言終成南山皓

江南有懷

青春幾何時黃鳥鳴不歇天涯失歸路江外老華髮心

飛秦塞雲影滯楚關月身世殊爛熳田園久蕪沒歲晏  
何所送長歌謝金蘭

詠物

聽蜀僧濬彈琴

蜀僧抱綠綺西下峨眉峯為我一揮手如聽萬壑松客  
心洗流水餘響入霜鍾不覺碧山暮秋雲暗幾重

魯東門觀刈蒲

魯國寒事早初霜刈渚蒲揮鎌若轉月拂水生連珠此  
草最可珍何必貴龍鬚織作玉床席欣承清夜娛羅衣

能再拂不畏素塵燕

詠隣女東窓海石榴

曾女東窓下海榴世所稀珊瑚映綠水未足比光輝清  
香隨風發落日好鳥歸頰為東南枝低舉拂羅衣無由  
共攀折引領望金扉

南軒松

南軒有孤松柯葉自緜幕清風無閒時瀟灑終日夕陰  
生古苔綠色染秋烟碧何當凌雲霄直上數千尺

求崔山人百丈崖瀑布圖

百丈素崖裂四山丹壁開龍潭中噴射晝夜生風雷但  
見瀑泉落如瀑音叢水水入大水也雲漢來聞君寫真圖島嶼備  
縈迴石黛刷幽草曾青澤古苔幽緘儻相傳何必向天  
台

瑩禪師房觀山海圖

真僧閉精宇滅跡含達觀列障圖雲山攢峯入霄漢丹  
崖森在目清晝疑捲幔蓬壺來軒窓瀛海八几案烟濤  
爭噴薄島嶼相凌亂征帆飄空中瀑水灑天半崢嶸若  
可陟想像徒盈嘆香與真心冥遂諧靜者翫如登赤城  
裏揭步滄洲畔即事能娛人從茲得消散

詠槿

園花笑芳年池草艷春色猶不如槿花嬋娟玉階側芬  
榮何天促零落在瞬息豈若瓊樹枝終歲長翕翹迄力切

詠桂

世人種桃李皆在金張門攀折爭捷徑及此春風暄一  
朝天霜下榮耀難久存安知南山桂綠葉垂芳根清陰  
亦可託何惜樹君園

題詠

題隨州紫陽先生壁

神農好長生風俗久已成復聞紫陽客早署丹臺名喘  
息飡妙氣步虛吟真聲道與古仙合心將元化并樓疑  
出蓬海鶴似飛王京松雪窗外曉池水階下明忽耽笙  
歌樂頗失軒冕情終願惠金液提携凌太清

題元丹丘山居

故人棲東山自愛丘壑美青春卧空林白日猶不起松  
風清襟袖石潭洗心耳羨君無紛喧高枕碧霞裏

題元丹丘穎陽山居

并序

丹丘家于穎陽新十別業其地北倚馬頰連峯嵩  
丘南瞻鹿臺極目汝海雲岵映鬱有佳致焉白從  
之遊故有此作

仙遊度潁水訪隱同元君忽遺蒼生望獨與洪崖群卜  
地初晦跡興言且成文却顧此山斷前瞻南嶺兮遙通  
汝海月不隔嵩丘雲之子合逸趣而我欽清芬舉跡倚  
松石談笑迷朝曛益願狎青鳥拂衣棲江濱

題瓜洲新河餞族叔舍人賁

齊公鑿新河萬古流不絕豐功利生人天地同朽滅兩

橋對雙閣芳樹有行列愛此如甘棠誰云能攀折吳關  
倚此固天險自茲設海水落斗門平湖見沙汭叶音女  
刮切  
我行送季父弭棹徒流悅楊花滿江來疑是龍山雪惜  
此林下興愴為山陽別瞻望清路塵歸來空寂滅

洗脚亭

白道向姑蘇洪亭臨道傍前有昔時井下有五丈床樵  
女洗素足行人歇金裝西望白鳥洲蘆花似朝霜送君  
此時去回首淚雙行

題金陵王處士水亭

王子耽玄言賢豪多在門好聽尋道士愛竹嘯名園樹  
色老荒苑池光蕩華軒此堂見明月更憶陸平原掃地  
青玉簫為余置金樽醉罷欲歸去花枝宿鳥喧何時復  
來此再得洗鬢煩

題嵩山逸人元丹丘山居 并序

白父在廬霍元公近遊嵩山故交情深出處無間  
岳信頻及許為主人欣然適會本意當異長往不  
返欲便舉家就之兼書共遊因有此贈

本家紫雲山道風未淪落沉懷丹丘志冲賞歸寂寔鷄

來遊閩荒捫涉窮禹鑿廣緣泛潮海偃蹇涉廬霍憑雷  
躡天窓美景憇霞閣且欣登眺美頗愜隱淪諾三山曠  
幽期四岳聊所託故人憇嵩頽高義炳丹腹屋郭切滅善丹也  
迹遺紛囂歟言本峯壑自矜林湍好不羨市朝樂偶與  
真意并頓覺世情薄爾能折芳桂吾亦採蘭若拙妻好  
乘鸞嬌女愛飛鶴提携訪神仙從此鍊金藥

改九子山為九華山聯句并序

青陽縣南有九子山山高數千丈上有九峯如蓮  
華按圖徵名無所依據太史公南遊畧而不書事

絕古老之口復闕名賢之紀雖靈異往復而賦詠  
罕聞予乃削其舊號加以九華之目特訪道江漢  
憇於夏侯廻之堂開簷岍幘坐眺松雪因與二三  
子聯句傳之將來

妙有分二氣靈山開九華李層標遏遲日半壁明朝霞

高積雪耀陰壑飛流歆陽崖韋權輿權一作權青熒玉樹色縹

緲羽人家李白

雜詠

嘲魯儒

魯叟談五經白髮苑章句問以經濟策茫如墜烟霧足  
著遠遊履首戴方山巾緩步從直道未行先啓塵秦家  
丞相府不重褒衣人君非叔孫通與我本殊倫時事且  
未達歸耕汶水濱

懼讒

二桃殺三士詎假劍如霜衆女妬娥眉雙花竟春芳魏  
姝信鄭袖掩袂對懷王一惑巧言子朱顏成死傷行將  
泣團扇戚戚愁人腸

嵩山採菖蒲者

神仙多古貌雙耳下垂肩嵩岳逢漢武疑是九疑仙我  
爽採菖蒲服食可延年言終忽不見滅影入雲烟喻帝  
竟莫悟終歸茂陵田

金陵聽韓侍御吹笛

韓公吹玉笛個儻留英音風吹繞鍾山萬壑皆龍吟王  
子停鳳管師襄掩瑤琴餘韻渡江去天涯安可尋

白田馬上聞鶯

黃鸝啄紫椹五月鳴桑枝我行不記日誤作陽春時蠶  
老客未歸白田已綠絲駉馬又前去捫心空自悲



雜詩

白日與明月晝夜尚不閒况爾悠悠人安得久世間傳  
聞海水上乃有蓬萊山玉樹生綠葉靈仙每登攀一食  
駐玄髮再食留紅顏吾欲從此去去之無時還

唐翰林李白詩類編卷之七

唐翰林李白詩類編卷之八

五言古詩

閨情

寄遠九首

三鳥別王母銜書來見過腸斷若剪絃其如愁思何遙  
知玉牕裡織手弄雲和奏曲有深意青松交女蘿寫水  
山井中同泉豈殊波秦心與楚恨皎皎為誰多

青樓何所在乃在碧雲中寶鏡挂秋水羅衣輕春風新  
粧坐落日悵望金屏空念此送短書願曰雙飛鴻

本作一行書殷勤道相憶一行復一行消紙情何極瑤  
臺有黃鶴為報青樓人朱顏凋落盡白髮一何新自知  
未應還離居經三春桃李今若為當愁發光彩若使香  
風飄留與紅芳待

玉筋落春鏡坐愁湖陽水聞與陰麗華風烟接鄰里青  
春已復過白日忽相催但恐荷花晚令人意已摧相思  
不惜夢日夜向陽臺

遠憶巫山陽花明淥水暖躊躇未得往泪向南雲消春  
風復無情吹我夢魂斷不見眼中人天長音信短

陽臺隔楚水春草生黃河相思無日夜浩蕩若流波流  
波向海去欲見終無目遙將一點泪遠寄如花人

妾在春陵東君居漢江島一日望花光往來成白道一作  
日日採藤蕪一為雲雨別此地生秋草秋草秋蛾飛相

思愁落輝何由一相見滅燭解羅衣一本輝下云昔時  
上山成白道

婦遙知不得意  
王筋點羅衣

長短春草綠綠階如有情卷施心獨苦抽却死還生觀  
物知妾意希君種後庭閒時當採掇念此莫相輕

魚縞如玉霜筆題月氏音支月支書寄書白鸚鵡西海

慰離居行數雖不多字字有委曲天末如見之開緘淚  
相續泪盡恨轉深千里同此心相思千萬里一書直百  
金

代贈遠

妾本洛陽人狂夫幽燕客渴飲易水波猶來多感激胡  
馬西北馳香駿搖綠絲鳴鞭從此去逐虜蕩邊陲昔去  
有好言不言久離別燕支多美女走馬輕風雪見此不  
記人恩情雲雨絕啼流玉筋盡坐恨金閨切織錦作短  
書腸隨回紋結相思欲有寄恐君不見察焚之揚其灰

手跡自此滅

閨情

流水去絕國浮雲辭故關水或戀前浦雲猶歸舊山恨  
君流沙去棄妾漁陽間玉筋夜垂流雙雙落朱顏黃鳥  
坐相悲綠楊誰更攀織錦心草草挑燈泪斑斑窺鏡不  
自識况乃狂夫還

代別情人

水清本不動桃花發岼傍垂花弄水色波蕩搖春光我  
悅子容艷子傾我文章風吹綠琴去曲度紫鴛鴦昔作

一水魚今成兩枝鳥哀哀長鷄鳴夜夜達五曉起折相思  
樹歸贈知寸心覆水不可收行雲難重尋天涯有度  
鳥莫絕理華音

代秋情

幾日相別離門前生穠力與切自生稻也葵寒蟬聒梧桐日夕  
長鳴悲白露濕螢火清霜零免絲空掩紫羅袂一作空  
袂長啼無盡時閨掩羅

湖邊採蓮婦

小姑織白紵未解將人語大嫂採芙蓉溪湖千萬重長

兄行不在莫使外人逢頗學秋胡婦貞心比古松

學古思遠

街悲上隴首腸斷不見君流水若有情幽哀從此分蒼  
茫愁邊色惆悵落日曛山外接遠天天際復有雲白雁  
從中來飛鳴苦難聞足繫一書札寄言難離羣離群心  
斷絕十見花成雪胡地無春輝征人行不歸相思杳如  
夢珠淚濕羅衣

折荷有贈

與前擬古詩內第十一首數字不同

涉江翫秋水愛此紅蕖鮮攀荷美其珠蕩漾不成圓佳

人綵雲裡欲贈隔遠天相思無因見悵望涼風前

代美人愁鏡

明明金鵲鏡了了玉臺前拂拭皎冰月光輝何清圓紅  
顏老昨日白髮多去年鉛粉坐相誤照來空凄然

長信宮

月皎昭陽殿霜清長信宮天行乘玉輦飛燕與君同更  
有歡娛處承恩樂未窮誰憐團扇妾獨坐怨秋風

秋浦寄內

我今尋陽去辭家千里餘結荷倦水宿却寄大雷書雖

不同辛苦愴離各自居我自入秋浦三年北信踈紅顏  
愁落日白髮不能除有客自梁苑手携五色魚開魚得  
錦字歸問我何如江山雖道阻意合不為殊

自代內贈

寶刀裁流水無有斷絕時妾意逐君行纏綿亦如之別  
來門前草秋巷春轉碧掃盡還更生萋萋滿行跡鳴鳳  
始何得雄鷲雌各飛遊雲落何山一往不見歸估客發  
大樓知君在秋浦梁苑空錦衾陽臺夢行雨妾家三作  
相失勢去西秦猶有舊歌管淒清聞四隣曲度入紫雲

啼無眼中人妾似井底桃  
開花向誰笑君如天上月  
不肯一回照窺鏡不自識  
別多憔悴深安得秦吉了  
為人道寸心

秋浦感主人歸燕寄內

霜朽楚關木始知殺氣嚴  
寥寥金天廓婉婉綠紅潛  
胡燕別主人雙雙語前簷  
三飛四迴顧欲去復相瞻  
豈不戀華屋終然謝珠簾  
我不及此鳥遠行歲已淹  
寄書道中歎泪下不能緘

送內尋廬山女道士李騰空二首

君尋騰空子應到碧山家  
水春雲母碓風掃石楠花  
若戀幽居好相邀美紫霞

多君相門女學道愛神仙  
素手掬青靄羅衣曳紫烟  
一往屏風疊乘鸞著玉鞭

在尋陽非所寄內

聞難知慟哭行啼入府中  
多君同蔡琰以冉切流泪請  
曹公知登吳章類昔與死無分  
崎嶇行石道外折入青雲  
相見若悲歎哀聲那得聞

哀傷

自溧水道哭王炎

白楊雙行行白馬悲路旁晨興見曉月更似發雲陽溧  
水通吳關逝川去未央故人萬化盡閉骨茆山岡天上  
墜玉棺泉中掩龍章名飛日月上義與風雲翔逸氣竟  
莫展英圖俄天傷楚國一老人來嗟龔龔勝亡有言不可  
道雪泣惜蘭芳

七言古詩

樂府

烏夜啼

黃雲城邊烏欲棲歸飛啞啞枝上啼機中織錦秦川女  
碧紗如烟隔窓語停梭悵然憶遠人獨宿孤房泪如雨

一作停梭向人問故  
夫如在關西泪如雨

烏棲曲

姑蘇臺上烏棲時吳王宮裏醉西施吳歌楚舞歡未畢  
青山欲銜半邊日銀箭金壺漏水多起看秋月墜江波  
東方漸高奈樂何

採蓮曲

若耶溪傍採蓮女笑隔荷花共人語日照新妝水底明

風飄香袖空中舉  
岼上誰家遊冶郎  
三三五五映垂楊  
紫騮嘶入落花去  
見此踟躕空斷腸

白紵辭

吳刀剪綵縫舞衣  
明粧麗服棄春輝  
揚眉轉袖若雪飛  
傾城獨立世所稀  
激楚結風醉忘歸  
高堂月落燭已微  
玉釵挂纓君莫違

鳳笙篇

仙人十五愛吹笙  
學得崑山彩鳳鳴  
始聞煉氣食金液  
復道朝天赴玉京  
玉京迢迢幾千里  
鳳笙去去無窮已

欲歎離聲發絳唇  
更嗟別調流纖指  
此時惜別詎堪聞  
此地相看未忍分  
重吟真曲和清吹  
却奏仙歌響綠雲  
綠雲紫氣向函關  
訪道回尋緱音鈎氏山  
莫學吹笙王子晉  
一過浮丘斷不還

擣衣篇

閨裏佳人年十餘  
嚙蛾對影恨離居  
忽逢江上春歸燕  
徇得雲中尺素書  
墨手開絨長歎息  
狂夫猶戍交河北  
萬里交河水北流  
願為雙鳥汎中洲  
君邊雲擁青絲騎  
妾處苔生紅粉樓  
樓上春風日將歇  
誰能攬鏡看愁髮



曉吹絃管墮落花夜擣戎衣向明月明月高高刻漏長  
真珠簾箔掩蘭堂橫垂寶幄同心結半拂瓊筵蘇合香  
瓊筵寶幄連枝錦燈燭熒熒照孤寢有使憑將金剪刀  
為君留下相思枕摘盡庭蘭不見君紅巾拭淚坐氈氈  
明年更若征邊塞願作陽臺一段雲

荊州歌

白帝城邊足風波瞿塘五月誰敢過荊州麥熟繭成蛾  
縹絲憶君頭緒多撥穀飛鳴柰妾何

歌吟

江上吟

木蘭之枻音商沙棠舟玉簫金管坐兩頭美酒樽中置千  
斛載妓隨波任去流仙人有待乘黃鶴海客無心隨白  
鷗屈平辭賦懸日月楚王臺榭空山丘興酣落筆搖五  
嶽詩成嘯傲凌滄洲功名富貴若長在漢水亦應西北  
流

侍從宜春苑奉詔賦龍池柳色初青聽新鶯百  
轉歌

東風已綠瀛洲草紫殿紅樓覺春好池南柳色半青青

縈烟裊娜拂綺城垂絲百尺挂雕楹上有好鳥相和鳴  
間闕早得春風情春風卷入碧雲去千門萬戶皆春聲  
是時君王在鎬京五雲垂輝耀紫清仗出金宮隨日轉  
天回玉轅車繞花行始向蓬萊看鶴舞還過昌亥切蓬石宮苑名  
石聽新鶯新鶯飛上林苑願入簫韶雜鳳笙

幽歌行上新平長史兄粲

幽谷稍稍振庭柯涇水浩浩揚湍波哀鴻酸嘶暮發急  
愁雲蒼慘寒氣多憶昨去家此為客荷花初紅柳條碧  
中宵出飲三百杯明朝歸揖二千石寧知流寓變光輝

胡霜蕭颯繞客衣寒灰寂寞憑誰暖落葉飄揚何處歸  
吾兄行樂窮曛旭滿堂有美顏如玉趙女長歌入彩雲  
燕姬醉舞嬌紅燭狐裘獸炭酌流霞壯士悲吟寧見嗟  
前榮後枯相翻覆何惜流光及秋華

西嶽雲臺歌送丹丘子

西岳崢嶸何壯哉黃河如絲天際來黃河萬里觸山動  
盤渦轂轉秦地雷榮光休氣紛五彩千年一清聖人在  
巨靈咆哮擘兩山洪波噴流射東海三峯却立如欲摧  
翠崖丹谷高掌開白帝金精運元氣石作蓮花雲作臺

雲臺閣道連穹冥中有不死丹丘生明星玉女備灑掃  
麻姑搔背拍爪輕我皇手把天地戶丹丘談天與天語  
九重出入生光輝東來蓬萊復西歸玉將水倘遇故人飲  
騎二茆龍上天飛

金陵歌送別范宣

石頭巉巖如虎踞凌波欲過滄江去鍾山龍盤走勢來  
秀色橫分歷陽樹四十餘帝三百秋功名事跡隨東流  
白馬小兒誰家子泰清之歲來關囚金陵昔時何壯哉  
席捲英豪天下來冠蓋散為烟霧盡金輿玉座成寒灰  
扣劍悲吟空咄咄都活切嗟梁陳白骨亂如麻天子龍沉景  
陽井誰歌玉樹後庭花此地傷心不能道日下離離長  
春草送爾長江萬里心他年來訪南山皓

勞勞亭歌

金陵勞勞送客堂萋草離離生道傍古情不盡東流水  
此地悲風愁白楊我乘素舸同康樂朗詠清川飛夜霜  
昔聞牛渚吟五章今來何謝袁家郎苦竹寒聲動秋月  
獨宿空簾歸夢長

金陵城西樓月下吟

金陵夜寐涼風發獨上高樓望吳越白雲映水搖秋城  
白露垂珠滴秋月月下沉吟久不歸古來相接眼中稀  
解道澄江淨如練令人長憶謝玄暉

當塗趙炎少府粉圖山水歌

峨眉高出西極天羅浮直與南溟連名工繹思揮彩筆  
驅山走海置眼前浦堂空翠如可掃赤城霞氣蒼梧烟  
洞庭瀟湘意渺緜三江七澤情洄洑驚濤洶湧向何處  
孤舟一去迷歸年征帆不動亦不旋飄如隨風落天邊  
心搖目斷興難盡幾時可到三山巔西峰崢嶸噴流泉

橫石蹙水波潏潏東崖含杳敞輕霧深林禿樹空芊緜  
此中冥昧失晝夜隱机寐聽無鳴蟬長松之下列羽客  
對坐不語南昌仙南昌仙人趙夫子妙年歷落青雲至  
訟庭無事羅衆賓杳然如在丹青裏五色粉圖安足珎  
真仙可以全吾身若待功成拂衣去武陵桃花笑殺人

峨眉山月歌送蜀僧晏入中京

我在巴東三峽時西看明月憶峨眉月出峨眉照滄海  
與人萬里長相隨黃鶴樓前月華白此中忽見峨眉客  
峨眉山月還送君風吹西到長安陌長安大道橫九天

峨眉山月照秦川黃金獅子承高座白玉麈尾談重玄  
我似浮雲帶吳越君逢聖主遊丹闕一振高名滿帝都  
歸時還弄峨眉月

赤壁歌送別

二龍爭戰決雌雄赤壁樓船掃地空烈火張天照雲海  
周瑜於此破曹公君去滄江弄澄碧鯨鯢唐突留餘跡  
一一書來報故人我欲因之壯心魄

懷仙歌

一鶴東飛過滄海放心散漫知何在仙人浩歌望我來

應攀玉樹長相待堯舜之事不足驚自餘巖巖豈直可輕  
巨黿莫戴三山去我欲蓬萊頂上行

山鷓鴣詞

苦竹顛頭秋月輝苦竹南枝鷓鴣飛嫁得燕山胡鴈壻  
欲銜我向鴈門歸山雞翟音迪山雉也雉來相勸南禽多被  
北禽欺紫塞嚴霜如劍戟蒼梧欲巢難背遠我心誓死  
不能去哀鳴驚馬叫泪霑衣

寄贈

春日獨坐寄鄭明府

鸞麥青青遊子悲河堤弱柳鬱金枝長條一拂春風去  
盡日飄揚無定時我在河南別離久那堪坐此對牕牖  
情人道來竟不來何人共醉新豐酒

早春寄王漢陽

聞道春還未相識走傷寒梅訪消息昨夜東風入武陽  
一作陌頭楊柳黃金色碧水浩浩雲茫茫美人不來空  
斷腸預拂青山一片石與君連日醉壺觴

涇溪東亭寄鄭少府諤

我遊東亭不見君沙上行將白路鳥群白鷺間時散飛去

又如雪點青山雲欲往涇溪不辭遠龍門颯波虎轉眼  
杜鵑花開春已闌歸向陵陽釣魚晚

駕去溫泉宮後贈楊山人

少年落魄楚漢間風塵蕭瑟多苦顏自言管葛竟誰許  
長吁莫錯還閉關一朝君王乘拂拭剖心輸丹雪膏臆  
忽蒙白日迴景光直上青雲生羽翼幸陪鸞輦出鴻都  
身騎飛龍天馬駒王公大人惜顏色金章紫綬來相趨  
當時結交何紛紛片言道合惟有君待吾盡節報明主  
然後相携卧白雲

上李邕

大鵬一日同風起扶搖直上九萬里假令風歇時下來  
猶能簸却滄溟水世人見我恒殊調聞余大言皆冷笑  
宣父猶能畏後生丈夫未可輕年少

述德兼陳情上哥舒大夫

天為國家孕英才森森矛戟擁靈臺浩蕩深謀噴江海  
縱橫逸氣走風雷丈夫立身有如此一呼三軍皆披靡  
衛青謾作大將軍白起真成一豎音子子

走筆贈獨孤駙馬

都尉朝天躍馬歸香風吹入花亂飛銀鞍紫鞵照雲白  
左顧右盼生光輝是時僕在金門裡侍設公車謁天子  
長揖蒙垂國士恩壯心剖出酬知己一別蹉跎朝市間  
青雲之交不可攀倘其公子重回顧何必俟羸長抱關

醉後贈從錫高鎮

馬上相逢揖馬鞭客中相見客中憐欲邀擊筑悲歌飲  
正值傾家無酒錢江東風光不借人枉殺落花空自春  
黃金逐手快意盡昨日破產今朝貧丈夫何事空嘯傲  
不如燒却頭上巾君為進士不得進我被秋霜生旅鬢

時清不及英豪人三尺兒童重庶藺

音匣中盤劍裝錯

倉合切魚閒在腰間未用渠且將換酒與君醉醉歸托宿

吳專諸

贈潘侍御論錢少陽

繡衣柱史何昂藏鐵冠白筆橫秋霜三軍論事多引納  
堦前虎士羅干將雖無二十五老者且有一翁錢少陽  
眉如松雪齊四皓調笑可以安儲皇君能禮此最下士  
九州拭目瞻清光

流夜郎贈辛判官

昔在長安醉花柳五侯七貴同杯酒氣岍遙凌豪士前  
風流肯落他人後夫子紅顏我少年章臺走馬着金鞭  
文章獻納麒麟殿歌舞淹留玳瑁筵與君自謂長如此  
寧知草動風塵起函谷忽驚胡馬來秦宮桃李向明開  
我愁遠謫夜郎去何日金鷄放赦回

江上贈賈長史

漢求季布魯朱家楚逐伍胥去章華萬里南遷夜郎國  
三年歸及長風沙聞道青雲賈公子錦帆遊戲西江水  
人疑天上坐樓船水淨霞明兩重綺相約相期何太深



棹歌搖艇月中尋不同珠履三千客別欲論交一片心  
贈漢陽輔錄事

鸚鵡洲橫漢陽渡水引寒烟沒江樹南浦登樓不見君  
君今罷官在何處漢口雙魚白錦鱗今傳尺素報情人  
其中字数何多少祇是相思秋復春

留別

金陵酒肆留別

白門柳花滿店香吳姬厭酒喚客嘗金陵子弟來相送  
欲行不行各盡觴請君問取東流水別意與之誰短長

南陵別兒童入京

白酒初熟山中歸黃鷄啄黍秋正肥呼童烹鷄酌白酒  
兒女嬉笑牽人衣高歌取醉欲自恣起舞落日爭光輝  
遊說錯萬乘苦不早著鞭跨馬涉遠道會稽愚婦輕買  
臣余亦辭家西入秦仰天大笑出門去我輩豈是蓬蒿  
人

別山僧

何處名僧到水西乘舟弄月宿溼溪平明別我上山去  
手携金策踏雲梯騰身轉覺三天近舉足迴看萬嶺低

謔浪肯居支遁下風流還與遠公齊此度別離何日見  
相思一夜暝猿啼

送別

送羽林陶將軍

將軍出使擁樓船江上旌旗拂紫烟萬里橫戈探虎穴  
三杯拔劍斬龍泉莫道詞人無膽氣臨行相贈繞朝鞭  
送程劉二侍御兼獨狝判官赴安西幕府

安西幕府多才雄喧喧惟道三數公繡衣貂裘明積雪  
飛書走檄如飄風朝辭明主出紫宮銀鞍送別金城空  
天外飛霜下葱海火旗雲馬生光彩胡塞塵清幾日歸  
漢家草綠遙相待

送族弟襄歸桂陽

爾家何在瀟湘川青沙白石長江邊昨夢江花照江月  
幾枝正發東窓前覺來欲往心悠然魂隨越鳥飛南天  
秦雲連山海相接桂水橫烟不可涉送君此去令人愁  
風帆茫茫隔河洲春潭瓊草綠可折西窗長安明月樓  
送族弟綰從軍安西

漢家兵馬乘北風鼓行而西破大戎爾隨漢將出門去

剪虜若草收奇功君王按劍望邊邑旄頭已落胡天空  
匈奴繫頸數應盡明年應入蒲桃宮

送蕭三十一之魯中兼問稚子伯禽

六月南風吹白沙吳牛喘月氣成霞水國鬱蒸不可處  
時炎道遠無行車夫子如何涉江路雲帆孑孑金陵去  
高堂倚門望伯魚魯中正是趨庭處我家寄在沙丘傍  
三年不歸空斷腸君行既識伯禽子應駕小車騎白羊  
與諸公送陳郎將歸衡陽并序

仲尼旅人文王明夷苟非其時聖賢低眉况僕之

不肖者而遷逐枯槁固非其宜朝心不開暮髮盡  
白而登高送遠使人增愁陳郎將義風凜然英思  
逸發來下曹城之榻去邀才子之詩動清興於中  
流泛素波而徑去諸公仰望不及連章祖之序慚  
起予輒冠名賢之首作者嗤我乃為撫掌之資乎  
衡山蒼蒼入紫冥下看南極老人星迴飈吹散五峯雪  
往往飛花落洞庭氣清嶽秀有如此郎將一家拖金紫  
門前食客亂浮雲世人皆比子盪曾君江上送行無白璧  
臨岐惆悵若為分

詠荅

詠宇文少府見贈桃竹書筒

桃竹書筒綺繡文良工巧妙稱絕群  
靈心圓映三江月彩質疊成五色雲  
中藏寶訣峨眉去千里提携長憶君  
醉後荅丁十八以詩譏余搥碎黃鶴樓

黃鶴高樓已搥碎黃鶴仙人無所依  
黃鶴上天訴玉帝放却黃鶴江南歸  
神明太守再雕飾新圖粉壁還芳菲  
一州笑我為狂客少年往來相譏君  
平簾下誰家子云是遼東子  
令威作詩調我驚逸興白雲遶筆牕前飛  
待取明朝酒醒罷與君爛熳尋春輝

遊宴

把酒問月

青天有月來幾時我今停杯一問之人攀明月不可得  
月行却與人相隨皎如飛鏡臨丹闕綠烟滅盡清輝發  
但見宵從海上來寧知曉向雲間沒白兔搗藥秋復春  
嫦娥孤棲與誰隣今人不見古時月今月曾經照古人  
古人今人若流水共看明月皆如此惟願當歌對酒時  
月光長照金樽裏

行役

夜泊黃山聞啟十四吳吟

昨夜誰為吳會吟風生萬壑振空林龍驚不敢水中臥  
猿笑時聞巖下音我宿黃山碧溪月聽之却罷松間琴  
朝來果是滄洲逸酤酒提盤飯霜栗半酣更發江海聲  
客愁頓向杯中失

詠物

觀元丹丘坐巫山屏風

昔遊三峽見巫山見畫巫山宛相似疑是天邊十二峯

飛入君家綵屏裏寒松蕭颯如有聲陽臺微茫如有情  
錦衾瑤席何窈窕楚王神女何盈盈盈盈咫尺如千里  
翠屏丹崖粲如綺蒼蒼遠樹圍棘門歷歷行舟泛巴水  
水石潺湲萬壑分烟光草色俱氤氳溪花笑日何年發  
江客聽猿幾歲聞使人對此心緬邈疑入嵩丘夢綵雲  
雜詠

暖酒

暖酒何曾對人飲王齡來重飲此酒不自然  
熱暖將來賓鐵文暫時不動聚白雲撥却白雲見青天  
掇頭裏許便乘仙

謝道韞情野無山

新人如荈雖可寵故人似玉猶來重花性飄揚不自持  
玉心皎潔終不移故人昔新今尚故還見新人有故時  
請看陳后黃金屋窸窸珠簾生網絲

思邊

去年何時君別妾南園綠草飛蝴蝶今歲何時妾憶君  
西山白雪暗秦雲玉關去此三千里欲寄音書那可聞

示金陵子一作金陵子詞

金陵城東誰家子竊聽琴聲碧牕裏落花一片天上來  
隨人直渡西江水楚歌吳語嬌不成似能未能最有情  
謝公正要東山妓携手林泉處處行

乃在洞庭之南瀟湘之浦海

唐朝林李白詩類編卷之八



疑連綿皆相似重瞳孤墳竟何是帝子泣兮綠雲間隨  
風波兮去無還慟哭兮遠望見蒼梧之深山蒼梧山崩  
湘水絕竹上之泪乃可滅

### 公無渡河

黃河西來決崑崙咆哮萬里觸龍門波滔天堯咨嗟大  
禹理百川兒啼不窺家殺湍湮洪水九州始蠶麻其害  
乃去茫然風沙被髮之叟狂而癡清晨臨流欲奚為旁  
人不惜妻止之公無渡河苦渡之虎可搏慳河難憑公  
果溺死流海湄下有長鯨白齒若雪山公乎公乎挂賢

音於其間篋篋所悲竟莫還

### 蜀道難

噫吁嚱危乎高哉蜀道之難難於上青天蠶業及魚鳧  
開國何茫然爾來四萬八千歲不與秦塞通人烟西當  
太白有鳥道可以橫絕峨眉巔地崩山摧壯士死然後  
天梯石棧相鈎連上有六龍回日之高標一作上有橫  
河斷海之浮  
雲下有衝波逆折之回川黃鶴之飛尚不得過猿猴奴  
切欲度愁攀緣青泥何盤盤百步九折縈巖巖扞參歷  
井仰脅息以手撫膺坐長歎問君西遊何時還畏途巖



巖不可攀但見悲鳥號古木雄飛鳴從繞林間又聞子  
規啼夜月愁空山蜀道之難難於上青天使人聽此凋  
朱顏連峯去天不盈尺枯松倒挂倚絕壁飛湍瀑流爭  
喧豨音砭披水切崖轉石萬壑雷其嶮也如此嗟爾遠道  
之人胡為乎來哉劍閣崢嶸而崔嵬一夫當關萬夫莫  
開所守或匪親化為狼與豺朝避猛虎夕避長蛇磨牙  
吮血殺人如麻錦城雖云樂不如早還家蜀道之難  
難於上青天側身西望長咨嗟

梁甫吟

長嘯梁甫吟何時見陽春君不見朝歌屠叟辭棘津八  
十西來釣渭濱寧羞白髮照清水逢時吐氣思經綸廣  
張三千六百釣夙期暗與文王親大賢虎變愚不測當  
年頗似尋常人君不見高陽酒徒起草中長揖山東隆  
準公入門不拜騁雄辯兩女輟洗來趨風東下齊城七  
十二拍揮楚漢如旋蓬狂客落魄音託尚如此何況壯士  
當羣雄我欲攀龍見明主雷公砰訇上披耕切下呼宏切大声也震  
天鼓帝旁投壺多玉女三時大笑開電光倏爍晦冥起  
風雨閭闔九門不可通以額叩關閭者怒白日不照吾

精誠祀國無事憂天傾楔猢猻上音軋下音愈猛獸也磨牙競人肉

騶虞不折生草莖手接飛猱搏彫虎側足焦原未言苦

智者可卷愚者豪世人見我輕鴻毛力排南山三壯士

齊相殺之費二桃吳楚美兵無劇孟亞夫哈呼來切爾笑也

為徒勞梁甫吟聲正悲張公兩龍劍神物合有時風雲

感會起屠釣大人峴岬上倪結切下音兀危而不安貌當安之

### 戰城南

去年戰桑乾源今年戰葱河道洗兵條支海上波放馬

天山雪中草萬里長戰征三軍盡衰老匈奴以殺戮為

耕作古來唯見白骨黃沙田秦家築城備胡虜漢家還

有烽火然烽火然不息征戰無已時野戰格鬪死敗馬

號鳴向天悲鳥鳶啄人腸銜飛上挂枯樹枝士卒塗草

莽將軍空爾為乃知兵者是凶器聖人不得已而用之

### 將進酒

君不見黃河之水天上來奔流到海不復回君不見高

堂明鏡悲白髮朝如青絲暮如雪人生得意須盡歡莫

使金樽空對月天生我才必有用千金散盡還復來烹

羔宰牛且為樂會須一飲三百杯岑夫子丹丘生與君

歌一曲請君為我聽鍾鼓饌玉

一本云鍾鼎玉帛

不足貴但願

長醉不願醒古來聖賢皆寂寞惟有飲者留其名陳王昔時宴平樂斗酒十千恣歡譎主人何為言少錢且須沽取對君酌五花馬千金裘呼兒將出換美酒與爾同消萬古愁

行行且遊獵篇

邊城兒生平不讀一字書但將遊獵誇輕矯去矯切胡捷也胡馬秋肥宜白草騎來躡影何矜驕金鞭拂雪揮鳴鞘音半酣呼鷹出遠郊弓彎滿月不虛發雙鶴迸落連飛鷗

許交切

海邊觀者皆辟易猛氣英風振沙磧儒生不及遊

俠人白首下帷復何益

飛龍引二首

黃帝鑄鼎於荆山鍊丹砂丹砂成黃金騎龍飛上太清家雲愁海思令人嗟宮中絲女顏如花飄然揮手凌紫霞後風縱體登靈臺車登靈臺車侍軒轅遨遊青天中其樂不可言

昂湖流水清且閒軒轅去時有弓劍古人傳道由其間後宮嬋娟多花顏乘鸞飛烟亦不還騎龍攀天造天關

遣天闕聞天語長雲河車載玉女載玉女過紫皇紫皇  
乃賜白兔所搗之藥方後天而老周二光下視瑤池見  
王母蛾眉蕭颯如秋霜

天馬歌

天馬來出月氏窟背為虎文龍翼骨嘶青雲振綠髮蘭  
筋權竒走滅沒騰崑崙歷西極四足無一蹶鷄鳴刷燕  
脯秣越神行電邁躡恍惚天馬呼飛龍趨目明長庚臆  
雙鳧尾如流星首渴烏口噴紅光汗清珠曾陪時龍躡  
天衢羈金絡月照皇都逸氣稜稜凌九區白壁如山誰

敢沾回頭笑紫燕但覺爾輩愚天馬奔戀君軒

音竦  
推馬

衛走也

躍驚矯浮雲翻萬里足躑躅遙瞻閭闔門不逢寒

風子誰採逸景孫白雲在青天丘陵遠崔嵬鹽車上峻  
坂倒行逆施畏日晚伯樂剪拂中道遺少盡其力老棄  
之願逢田子方惻然為我悲雖有玉山禾不能療苦飢  
嚴霜五月凋桂枝伏櫪銜冤摧兩眉請君贖獻穆天子  
猶堪美影舞瑤池

行路難 三首

金樽清酒斗十千玉盤珍羞直萬錢停杯投箸不能食

拔劍四顧心茫然欲渡黃河水塞川將登太行雪滿山  
閒來乘釣碧溪上忽復乘舟夢日邊行路難行路難多  
歧路今安在長風破浪會有時直挂雲帆濟滄海

大道如青天我獨不得出羞逐長安社中兒赤鷄白狗  
賭梨栗彈劍作歌奏苦聲曳裾王門不稱情淮陰市井  
笑韓信漢朝公卿忌賈生君不見昔時燕家重郭隗五  
切擗箕折節無嫌猜劇辛樂毅感恩分輸肝剖膽效英  
才昭王白骨縈爛草誰人更掃黃金臺行路難歸去來  
有耳莫洗穎川水有口莫食首陽薇含光混世貴無名

何用孤高比雲月吾觀自古賢達人功成不退皆殞身  
子胥既棄吳江上屈原終投湘水濱陸機雄才豈自保  
李斯稅音脫駕苦不早華亭鶴唳詎可聞上蔡蒼鷹何足  
道君不見吳中張翰稱達生秋風忽憶江東行且樂生  
前一杯酒何須身後千載名

長相思

長相思在長安絡繹秋啼金井闌微霜淒淒簾色寒孤  
燈不明思欲絕卷帷望月空長歎美人如花隔雲端上  
有青冥之長天下有淶水之波瀾天長路遠竟飛苦夢

竟不到關山難長相思摧心肝

上留田行

行至上留田孤墳何崢嶸積此萬古恨春草不復生悲  
風四邊來腸斷白楊聲借問誰家地埋沒蒿里塋古老  
向子言言是上留田蓬科馬鬣今已平昔之弟死兄不  
葬他人於此舉銘旌一鳥死百鳥鳴一獸走百獸驚桓  
山之禽別離苦欲去迴翔不能征田氏倉卒骨肉分青  
天白日摧紫荆交柯之木本同形東枝顛顛而枝榮無  
心之物尚如此參商胡乃尋天兵孤竹延陵讓國揚名

高風緬邈類波激清尺布之謠塞耳不能聽

春日行

深宮高樓入紫清金作蛟龍盤繡楹佳人當牕弄白日  
絃將手語彈鳴箏春風吹落君王耳此曲乃是昇天行  
日出天池汎蓬瀛樓臺感沓達合切波浪驚三千双蛾獻  
歌笑搗鐘考鼓宮殿傾萬姓聚舞歌太平我無為人自  
寧三十六帝欲相迎仙人飄翻下雲輶帝不去留鑄音昊  
京安能為軒轅獨往入宵替冥小臣拜獻南山壽陛下  
萬古垂鴻名

前有樽酒行二首

春風東來忽相過  
金樽綠酒生微波  
落花紛紛稍覺多  
美人欲醉朱顏酡  
青軒桃李能幾何  
流光欺人忽蹉跎  
君起舞日西夕  
當年意氣不肖平  
白髮如絲歎何益  
琴奏龍門之綠桐  
玉壺美酒清若空  
催絃拂柱與君飲  
看朱成碧顏始紅  
胡姬貌如花當鑪笑  
春風舞羅衣君今不醉將安歸

夜坐吟

冬夜夜寒覺夜長  
沉沉又坐坐北堂  
冰合井泉月入關

金缸青燭照悲啼  
金缸滅帝轉多掩妾  
泪聽君歌歌有聲  
妾有情情聲合兩無  
遠一語不入意從君  
萬曲梁塵飛

野田黃雀行

遊莫逐炎州翠  
棲莫近吳宮燕  
吳宮火起焚巢窠  
音科邪窠  
也炎州逐翠遭網羅  
蕭條兩翅蓬蒿下  
縱有鷹鷂奈若何

○竺筵謔

攀天莫登龍  
走山莫騎虎  
賤結交心不移  
惟有嚴陵

及光祖周公稱大聖官蔡寧相容漢謠一斗粟不與淮  
南春兄弟尚路人吾心安所從他人方寸間山海幾千  
重輕言託朋友對面九疑峯開化必早落桃李不如松  
管鮑久已死何人繼其蹤

雉朝飛

麥隴青青三月時白雉朝飛挾兩雌錦衣綺翼何離披  
山宜犢牧採薪感之悲春天和白日暖啄食飲泉勇氣  
消爭雄鬪死繡頸斷雉子班奏急管絃傾心酒美盡玉  
椀枯楊枯楊爾生夷我獨七十而孤棲彈絃寫恨意不

盡瞋目歸黃泥

上雲樂

金天之西白日所沒康老胡雛生彼月窟巉巖容儀戍

削風骨碧玉炁炁古切雙目瞳黃金拳拳兩鬢紅華蓋

垂下睫嵩岳臨上脣船倫切不覩詭譎貌豈知造化神大

道是文康之嚴父元氣乃文康之老親撫頂弄盤古稚

車轉天輪云見日月初生時鑄冶火精與水銀陽烏未

出谷顧兔半歲身女媧戲黃土團作愚下人散在六合

間濛濛若沙塵生死了不盡誰明此胡是仙真西海栽



若木東溟植扶桑別來幾多時枝葉萬里長中國有七  
聖半路頽鴻荒陛下應運起龍飛入咸陽赤眉立盆子  
白水興漢光叱咤陟嫁切四海動洪濤為簸揚舉足蹋紫  
微天關自開張老胡感至德東來進仙倡音昌五色獅  
子九苞鳳凰是老胡鷄犬鳴舞飛帝鄉淋灑颯香進退  
成行能胡歌獻漢酒跪雙膝並兩肘散花拍天舉素手  
拜龍顏獻聖壽北斗戾南山摧天子九九八十一萬歲  
長傾萬歲杯

夷則格上白鳩拂舞詞

鏗鳴鍾考朗鼓歌白鳩引拂舞白鳩之白誰與鄰霜衣  
雪襟誠可珍含哺士子能平均食不噎結切性安馴  
首農政鳴陽春天子刻玉杖鏤形賜耆人白鷺亦白非  
純真外繁其色心匪仁闕五德無司晨胡為琢我葭下  
之紫鱗鷹鱸鴈鴟貪而好殺鳳凰雖大聖不願以為臣

日出入行

日出東方隈烏回切似從地底來歷天又入海六龍所舍  
安在哉其始與終古不息人非元氣安得與之久徘徊  
草不謝榮於春風木不怨落於秋天誰揮鞭策驅四運

萬物興歇皆自然義和義和汝奚汨沒於荒淫之波魯  
陽何德駐景揮戈逆道遠天矯誣實多吾將括囊大塊  
浩然與溟滓下傾同科

胡無人

巖風吹霜海草凋筋幹居業切精堅胡馬驕漢家戰士三  
十萬將軍兼領霍嫖姚流星白羽腰間插劔花秋蓮光  
出匣天兵照雪下玉關虜箭如沙射金甲雲龍風虎畫  
交回太白八月敵可摧敵可摧旄頭滅履胡之腸沙胡  
血懸胡青天上埋胡紫塞旁胡無人漢道昌陛下之壽

三千霜但歌大風雲飛揚安用猛士守四方

一本無此二句

北風行

燭龍棲寒門光曜猶旦開日月照之何不及此唯有北  
風號怒天上來燕山雪花大如席片片吹落軒轅臺幽  
州思婦十二月停歌罷笑雙娥摧倚門望行人念君長  
城苦寒良可哀別時提劍救邊去遺此虎紋金髀暗釵  
中有二雙白羽箭蜘蛛結網生塵埃箭空在人今戰死  
不復回不忍見此物焚之已成灰黃河捧土尚可塞北  
風雨雪恨難裁

獨漉篇

獨漉水中泥水濁不見月不見月尚可水深行人沒越  
鳥從南來胡鷹亦北渡我欲彎弓向天射惜其中道失  
歸路落葉別樹飄零隨風客無所託悲與此同羅幃舒  
卷似有人開明月直入無心可猜雄劍挂壁時時龍鳴  
不斷犀象繡盪苔生國恥未雪何由成名神鷹夢澤不  
顧鴟鳶為君一擊鵬搏九天

登高丘而望遠海

登高丘望遠海六虺龜骨已霜三山流安在扶乘半摧折

白日沉光彩銀臺金闕如夢中秦皇漢武空相待精衛  
費木石龜鼉無所憑君不見驪山茂陵盡灰滅牧羊之  
子來攀登盜賊劫寶玉精靈竟何能窮兵黷武今如此  
鼎湖飛龍安可乘

陽春歌

長安白日照春空綠楊結烟垂裏風披香殿前花始紅  
流光發色繡戶中繡戶中相經過飛燕皇后輕身舞紫  
宮夫人絕世歌聖君三萬六千日歲歲年年奈樂何

楊叛兒

君歌揚叛兒妾勸新豐酒何許最關人烏啼白門柳烏  
啼隱楊花君醉留妾家博山爐中沉香火雙烟一氣凌  
紫霞

雙燕離

雙燕復雙燕雙飛令人羨玉樓珠閣不獨棲金牕繡戶  
長相見柏梁失火去日入吳王宮吳宮又焚蕩雜畫巢  
亦空憔悴一身在孀鳩憶故雄雙飛難再得傷我寸心  
中

山人勸酒

蒼蒼雲松落落綺皓春風爾來為阿誰蝴蝶忽然滿芳  
草秀眉霜雪顏桃花骨青髓綠長美好稱是秦時避世  
人勸酒相歡不知老各守麋鹿志恥隨龍虎爭歛許勿切  
起佐太子漢皇乃復驚顧謂戚夫人彼翁羽翼成歸來  
商山下泛若雲無情舉觴酌巢由洗耳何獨清浩歌望  
嵩嶽意氣還相傾

于闐採花

于闐採花人自言花相似明妃一朝西入胡胡中美女  
多羞死乃知漢地多名姝胡中無花可方比丹青能令

醜者妍無盪翻在深宮裏自古妬娥眉胡沙埋皓齒

○鞠歌行

玉不自言如桃李魚目笑之下和恥楚國青蠅何太多  
連城白壁遭讒毀荆山長號泣血人忠臣死為刖暗足  
鬼聽曲知竄戚夷吾因小妻秦穆五羊皮買死百里奚  
洗拂青雲上當時賤如泥朝歌鼓刀叟虎變蟠溪中一  
舉釣六合遂荒營丘東平生渭水曲誰識此老翁奈何  
今之人双目送飛鴻

幽澗泉

拂彼白石彈吾素琴幽澗漱兮流泉深善乎明徵高張  
清心寂歷似千古松颼颼兮萬尋中見愁猿弔影而危  
處兮叫秋未而長吟客有哀時失志而聽者淚淋浪以  
沾襟乃緝罔綴羽潺湲成音吾但寫聲發情於妙指殊  
不知此曲之古今幽澗泉鳴深林

○王昭君

漢家秦地月流影照明妃一上玉關道天涯去不歸漢  
月還從東海出明妃西嫁無來日燕支長寒雪作花娥  
眉憔悴沒胡沙生乏黃金枉圖畫死留青塚令人嗟

中山孺子妾歌

中山孺子妾特以色見矧雖不如延年妹亦是當時絕  
世人桃李出深井花艷驚上春一貴復一賤關天豈由  
身芙蓉老秋霜團扇羞網塵娥髮<sub>切</sub>剪入春市萬  
古共悲辛

設辟邪伎鼓吹雉子班曲辭

辟邪伎作鼓吹雉子班之奏曲成喔伊振迅欲飛鳴  
翦錦翼雄風生雙雌同飲啄<sub>去嬌切</sub>悍誰能爭牛向草  
中耿介死不求黃金龍下生天地至廣大何惜遂物情

善卷讓天子務光亦逃名所貴曠士懷朗然合太清

古有所思

我思仙人乃在碧海之東隅海寒多天風白波連山倒  
蓬壺長鯨湧不可涉撫心茫茫泪如珠西采青鳥東飛  
去領寄一書謝麻姑

久別離

別來幾春未還家玉蕊五見櫻桃花况有錦字書開緘  
使人嗟至血腸斷彼心絕雲鬟綠髮罷梳結愁如迴飈  
亂白髮去年寄書報陽臺今年寄書重相催東風兮東

風為我吹行雲使西來待來竟不來落花寂寂委青苔

白頭吟

又一篇中與此異今兩存之

錦水東北流波蕩雙鴛鴦雄巢漢宮樹雌弄秦草芳寧  
同萬死碎綺翼不忍雲間兩分張此時阿嬌正嬌妬獨  
坐長門愁日暮但願君恩顧妾深山豈惜黃金買辭賦相  
如作賦得黃金丈夫好新多異心一朝將聘茂陵女文  
君曰贈白頭吟東流不作西歸水落花辭條羞故林兔  
絲固無情隨風任傾倒誰使女蘿枝而來強繁抱兩草  
猶一心人心不如草莫卷龍鬚席從他生網絲且留瓊

珀枕或有夢來時覆水再收豈滿杯棄妾已去難重回  
古時得意不相負秬今唯見青陵臺

錦水東流碧波蕩雙鴛鴦雄巢漢宮樹雌弄秦草芳相  
如去蜀謁武帝赤車駟馬生輝光一朝再覽大人作萬  
乘忽欲凌雲翔聞道阿嬌失息寵千金買賦要君王相  
如不憶貧賤日官高金多聘私室茂陵姝子皆見求文  
君歡愛從此畢泪如雙泉水行下紫羅襟五起鷄三唱  
清晨白頭吟長吁不整綠雲鬢仰訴青天哀怨深城崩  
杞梁妻誰道士無心東流不作西歸水落花辭條羞故

林頭上玉燕釵是妾嫁時物贈君表相思羅袖幸時拂  
莫卷龍鬚席從他生網絲且留琥珀枕還有夢來時鷓  
鴒裘在錦屏上自君一挂無由披妾有秦樓鏡照心勝  
照井顛持照新人雙對可憐影覆水却收不滿杯相如  
還謝文君回古來得意不相負祇今惟有青陵臺

臨江王節士歌

洞庭白波木葉稀燕鴻始入吳雲飛吳雲寒燕鴻苦風  
號沙宿瀟湘浦節士感秋泪如雨白日當天心照之可  
以事明主壯士憤雄風生安得倚天劍跨海斬長鯨

司馬將軍歌

狂風吹古月竊美章華臺北路明星動光彩南征猛將  
如雲雷手中電曳倚天劍直斬長鯨海水開我見樓船  
壯心目頗似龍驤下三蜀揚兵習戰張虎旗江中白浪  
如銀屋身居玉帳臨河魁紫髯若戟冠崔嵬細柳開營  
揖天子始知灞上為嬰孩羌笛橫吹阿鞞迴向月樓中  
吹落梅將軍自起舞長劍壯士呼聲動九垓功成獻凱  
見明主丹青畫像麒麟臺

君道曲



大君若天覆廣運無不至軒后爪牙常先太山稽如心  
之使臂小白鴻翼於夷吾劉葛魚水本無二土校可成  
牆積德為厚地

白紵辭二首

揚清歌發皓齒北方佳人東隣子且吟白紵停綠水長  
袖拂面為君起寒雲夜卷霜海空胡風吹天飄塞鴻玉  
顏滿堂樂未終館娃日落歌吹濛

月寒江清夜沉沉美人一笑千黃金乘羅舞榭胡谷揚  
哀音郢中白雪且莫吟子夜吳歌動君心動君心冀君  
賞願作天池雙鴛鴦一朝飛去青雲上

鳴鴈行

胡鴈鳴辭燕山昨發委羽朝度關一啣蘆枝南飛散  
落天地間連行接翼往復還客居烟波寄湘吳凌霜觸  
雪毛體枯畏逢矰繳驚相呼聞弦虛墜良可吁君更彈  
射何為乎

君馬黃

君馬黃我馬白馬色雖不同人心本無隔共作遊冶盤  
雙行洛陽陌長劍既照耀高冠何絕喜力切赫各有千金

裘俱為五侯客，猛虎落陷穽。壯夫時屈厄，相知在急難。  
獨好亦何益。

白鼻騮

銀鞍白鼻騮，綠池障泥錦。細雨春風花，落時揮鞭直就。  
胡姬飲。

長相思

日色已盡，花含烟月明。欲素愁不眠，趙瑟初停。鳳凰柱。  
蜀琴欲奏，鴛鴦紋。此曲有意無人傳，願隨春風寄燕然。  
憶君迢迢隔青天，昔時橫波目，今為流淚泉。不信妾腸

斷歸來看取明鏡前

去婦辭

古來有棄婦，棄婦有歸處。今日妾辭君，辭君遣何去。本  
家零落盡，慟哭來時路。憶昔未嫁君，却周旋綺羅。  
錦繡段有贈，黃金千十五。許嫁君二十，移天自從結。  
髮日未幾，離君緬山川。家家盡歡喜，孤妾長自憐。幽閨  
多怨思，盛色無十年。相思若循環，枕席生流泉。流泉咽  
不掃，獨夢關山道。及此見君歸，君歸妾已老。物華惡衰  
賤，新寵方妍好。掩淚出故房，傷心劇秋草。自妾為君妻。

君東妾在西羅幃到曉恨玉貌一生啼自從離別久不  
覺塵埃厚常嫌玳瑁孤猶羨鴛鴦偶歲華逐霜霰先見切  
賤妾何能久寒沼落芙蓉秋風散楊柳以此顛顛顏空  
持舊物還餘生欲何寄誰肯相牽攀君恩既斷絕相見  
何年月悔傾連理杯虛作同心結女蘿附青松貴欲相  
依投浮萍失綠水教作若為流不但君棄妾自歎妾綠  
業憶昔初嫁君小姑纔倚牀今日妾辭君小姑如妾長  
回頭語小姑莫嫁如兄夫

菩薩蠻

平林漠漠烟如織寒山一帶傷心碧暝色入高樓有人  
樓上愁玉階空佇立宿鳥歸飛急何處是歸程長亭連  
短亭

憶秦娥

簫聲咽秦娥夢斷秦樓月秦樓月年年柳色灞陵傷別  
樂遊原上清秋節咸陽古道音塵絕音塵絕西風殘照  
漢家陵闕

少年行

君不見淮南少年遊俠客白日毬獵夜攤擲呼盧百萬

終不惜報讎千里如咫尺少年遊俠好經過渾身裝束  
皆綺羅蘭蕙相隨喧妓女風光去處滿笙歌驕矜自言  
不可有俠士堂中養來久好鞍好馬乞與人十千五千  
旋沽酒赤心用盡為知己黃金不惜栽桃李桃李栽來  
幾度春一回花落一回新府縣盡為門下客王侯皆是  
平交人男兒百年且樂命何須徇書受貧病男兒百年  
自榮身何須徇節甘風塵表冠半是征戰士窮儒浪作  
林泉民遮莫枝根長百丈不如當代多還往遮莫親姻  
連帝城不如當身自簪纓看取富貴眼前者何用悠悠

身後名

猛虎行

朝作猛虎行暮作猛虎吟腸斷非關隴頭水泪下不為  
雍門琴旌旗續絲兩河道戰鼓驚山欲傾倒秦人半作  
燕地囚胡馬翻銜洛陽草一輸一失闕下兵朝降夕叛  
幽薊城巨鼉未斬海水動魚龍奔走安得寧頗似楚漢  
時翻覆無定止朝過博浪沙暮入淮陰市張良未遇韓  
信貧劉項存亡在兩臣斲到下邳受兵畧來投漂母作  
主人賢捨柶柶古如此今特亦棄青雲士有策不敢犯

龍鱗竄身南國避胡塵寶書玉劍挂高閣金鞍駿馬散  
故人昨日方為宣城客掣尺列切鈴交通二千石有時六  
博快壯心遠林三匝呼一擲楚人每道張旭竒心藏風  
雲世莫知三吳邦伯皆顧盼四海雄俠兩追隨蕭曹曾  
作沛中吏攀龍附鳳當有時溧陽酒樓三月春楊花茫  
茫愁殺人胡雛綠眼吹玉笛吳歌白紵飛梁塵丈夫相  
見且為樂搥牛搗鼓會衆賓我從此去釣東海得魚笑  
寄情相親

來日大難

來日一身携糧負薪長鳴食盡苦口焦唇今日醉  
過千春仙人相存誘我遠學海陵三山陸憇五嶽垂  
天飛目瞻兩角授以仙藥金丹滿握螭上音惠下音姑蟬屋蛄  
息深愧短促思填東海強銜一木道重天地軒師廣成  
蟬翼九五以求長生下士大笑如蒼蠅聲

卷之三

李詩卷三

